



BOIPILETŠO BJA GO ŠIŠINYA LEINA LA MOAHLODIMOGOLO WA REPABLIKI YA AFRIKA BORWA

Matseno

1. Lebakanako la mošomo wa Moahlodimogolo, Moahlodi Mogoeng Mogoeng, le fihla mafelelong ka la 11 Diphallane 2021
2. Karolo ya 174(3) ya Molaotheo e maatlafatša Mopresidente go thwala Moahlodimogolo yo a latelago ka morago ga go rerišana le Khomišene ya Ditirelo tša Boahlodi le baetapele ba mekgatlo ya dipolotiki yeo e emetšwego ka Palamenteng.
3. Go ya ka Molaotheo, Moahlodimogolo ke *“hlogo ya tirelo ya molao ebile o phethagatša maikarabelo mabapi le go hlama le go hlokomela melawana le dipeelano tša go phethagatša mešomo ya tirelo ya molao ya dikgorotsheko ka moka”*.
4. Moahlodimogolo o rwele maikarabelo a go eta pele go hloma tshepedišo ya molao ka ge e le modulasetulo wa ditshepedišo tša Kgorotsheko ya Molaotheo. Gape o rwele maikarabelo a go hlama le go hlokomela go swana ga phethagatšo ya mešomo ya tirelo ya molao ya dikgorotsheko tša rena, le go ba modulasetulo wa Khomišene ya Ditirelo tša Boahlodi.

Tshepedišo ya phatlalatša yeo setšhaba se kgathago tema ka go yona

5. Go tšwetša pele tlhokego ya sephiri le go kgontšha go kgatha tema ga setšhaba, Mopresidente Ramaphosa o tšere sephetho sa gore maAfrika Borwa a swanetše go laletšwa go kgatha tema ka go kgetheng ga Moahlodimogolo yo a latelago.
6. Ka fao Mopresidente o ipiletša go setšhaba go romela ditšhišinyo tša leina la Moahlodimogolo. Re dumela gore Moahlodimogolo e swanetše go ba motho wa go hlomphiwa ke maloko a phrofešene yeo a tšwago go yona, ebile a hlomphiwe ke setšhaba ka kakaretšo.
7. Ditšhišinyo tša maina di swanetše go fa mabaka a gore ke ka lebaka la eng go le maleba gore motho yoo e be Moahlodimogolo wa rena wa go latela, maitemogelo a gagwe bobedi

bjalo ka mošomi wa tša molao, go akaretšwa le maitemogelo afe goba afe bjalo ka moahlodi, le bjalo ka moetapele.

8. Godimo ga fao, ditšhišinyo tša maina di swanetše go sepela le tumelelo le thekgo ya bonyane mokgatlo wa o tee wa sephrofešenale wa bašomi ba tša molao, mokgatlo wo o sego wa mmušo wo o šomago ka lekaleng la ditokelo tša botho, goba ka lekaleng le lengwe la tša molao.
9. Lenaneo la batho bao ba šišinywago le tla tsebagatšwa phatlalatša.

Phanele ya go hlaola bao ba šišintšwego

10. Ka morago ga maina ao a šišintšwego, phanele ya batho bao ba hlomphegago bao ba nago le maitemogelo a maleba e tla hlaola maina a magareng ga ba bararo le ba bahlano. Phanele e tla tšea sephetho mabapi le ka fao ba ka ngwalago bokaone lenaneo la bahlaolwa phatlalatša, ka ntle le sephiri le ka pela.
11. Phanele ye e tla bopša ke Moahlodi wa peleng wa Kgorotsheko ya Boditšhabatšhaba ya Toka le Mokhomišenare wa Ditokelo tša Botho wa Mokgatlo wa Dinagakopano, Navi Pillay bjalo ka modulasetulo, Tona ya Toka le Ditirelo tša Tshokollo ya Bagolegwa, Ronald Lamola, Tona ya Peleng ya Toka Jeff Radebe, Moahlodimogolo wa peleng Sandile Ngcobo, Mošireletši wa Setšhaba wa peleng Moatbokheiti Thuli Madonsela, modulasetulommogo wa Lekgotla la Bosetšhaba la AIDS la Afrika Borwa, Mohumagadi Mmapaseka Steve Letsike, le Moprosesara wa Molao ka Lefapheng la Molao ka Yunibesithing ya Howard, Moprosesara Ziyad Motala.
12. Mopresidente o tla tšea sephetho sa gore ke bahlaolwa bafe go tšwa ka lenaneong leo a filwego lona ke phanele ye ya batho bao ba hlomphegago bao a tlogo ba romela go Khomišene ya Ditirelo tša Boahlodi le go baetapele ba mekgatlo ya dipolotiki yeo e emetšwego ka Palamenteng go ya go rerišana ka ga ona.
13. Maina ka moka ao a šišintšwego le dingwalwa ka moka tšeo di ba thekgago di swanetše go romelwa go angeline@presidency.gov.za le go cinominations@gcis.gov.za pele la 1 Diphilane 2021 le dikela. Di swanetše go akaretša:
 - 13.1. Lengwalo la tšhišinyo ya leina, go akaretšwa dintlha tša boikgokaganyo tša motho yo a šišinyago leina;
 - 13.2. Kamogelo ya tšhišinyo ka motho yo a šišinywago le dintlha tša gagwe tša boikgokaganyo;
 - 13.3. Mangwalo a thekgo ya tšhišinyo ya leina, go akaretšwa dintlha tša boikgokaganyo tša batho goba dihlongwa tšeo di thekgago tšhišinyo yeo, go akaretšwa bonyane lengwalo le tee la thekgo ya leina leo le šišinywago go tšwa go mokgatlo wa sephrofešenale wa bašomi ba tša molao, mokgatlo wo o sego wa

mmušo wo o šomago ka lekaleng la ditokelo tša botho, goba ka lekaleng lefe goba lefe la tša molao; le

- 13.4. Dingwalwa dife goba dife tša tlaleletšo tše motho yo a šišinyago leina la mohlaolwa yo a ka bago Moahlodimogolo a bonago di le maleba.
14. Maina ka moka ao a šišinywago le dingwalwa tše di thekgago tšhišinyo yeo (go sa akaretšwe tshedimošo ya sephiri) di tla bewa phatlalatša wepsaeteng ya kantoro ya Mopresidente ka la 4 Diphlane 2021.
15. Dithulano dife goba dife mabapi le maina ao a šišintšwego di tla swanela ke go fiwa mabaka, ka go ngwalwa, gomme di romelwe atereseng ya emeile ya ka mo godimo moragorago ka Labohlano la 15 Diphlane 2021.
16. Phanele ye e tla kgopelwa go fa Mopresidente pego pele la Labohlano la 29 Diphlane 2021 le dikela. Ka morago ga fao Mopresidente o tla rerišana le Khomišene ya Ditirelo tša Boahlodi le baetapele ba mekgatlo ya dipolotiki ye e emetšwego ka Palamenteng.